



服部文庫  
117  
1674

亂婚傳



信陽太宰純撰

謹案夫婦者人倫之始也而婚姻者夫婦之始也人之所以異於禽獸者唯禮義為然而禮義莫大於婚姻先王所以重之也禮記曰昏禮者禮之本也又曰取妻不取同姓故買妾不知其姓則卜之又曰夫昏禮萬世之始也取於異姓所以附遠厚別也又曰四世而總服之窮也五世祖免殺同姓也六世親屬竭矣其庶姓別於上而戚單於下昏姻可以通乎繫之以姓而弗別綴之以食而殊雖百世而昏姻不通者

周道然也春秋左氏傳曰男女同姓其生不蕃又曰  
男女辨姓此亦古人戒取同姓之言也或曰五世祖  
免服盡於此六世親盡無復屬名從此以往可以婚  
嫁聖人何為禁之若是其嚴也荅曰防漸也親屬已  
盡固可以婚嫁聖人恐其馴致以至骨肉相污也故  
禮立之禁以防其漸也夫男女無別者戎狄也戎狄  
者父死則妻其後母是禽獸之行所謂父子聚麀者  
也豈不醜哉我東方古者未有礼義男女無別洪荒  
之世雖記載不詳蓋率兄妻其妹矣自神武天皇以  
降國史所記略可考也綏靖天皇妻其從母景行天

皇子鸚馬禿闥結取垂仁天皇女其姑也是生仲哀  
天皇敏達天皇妻其妹天武天皇取天智天皇女其  
兄子也夫從母雖非同姓然外戚尊屬也姑姪及妹  
皆期親也妹及兄子猶為卑屬姑則尊屬也妻其姑  
不殆於妻其母乎哉凡此古時人主穢行之大者也  
骨肉至親相污如此至其從父昆弟以下者不暇枚  
舉以天皇之尊而公然為是穢行焉論其餘蓋迨  
於中世異邦之人更來則有稱說仲尼之道者於  
是我人稍稍知禮義不敢行禽獸之行自皇綱不  
振武人御世禮教廢弛雖不敢妻其姑然妻兄子

者時有之雖不敢專其妹然專其從妹者時有之  
雖不敢專其從母然兄死而專其嫂者時有之此  
三者人皆公然為之而不知其非官司無禁親戚  
謀之鄉黨贊之人倫之敗豈不痛哉爰我 國家  
初建 神祖膺錄統御海內實始尊崇儒術用  
振頽綱蓋迺有志於宣札教善風俗云雖然是  
時戰國餘習未除君臣上下皆因循其故儻而  
苟且計便無有能建議替古立不易之典禮者  
神祖殂 德猷之際寬永之治正王者必世而後  
仁之時也當此之時封建之制已定 神祖經

世之規模大略備矣惜也百官未立衣服無制冠昏  
喪祭札法多闕此非國家之大闕典乎夫百官不立  
不可以為政衣服無制無以辨上下冠昏喪祭之禮  
闕無以為人夫無政則不治上下無辨則亂此二者  
其害尚小無以為人則禽獸矣故冠昏喪祭四者亦  
唯昏禮為至重昏姻之禮重然後人始遠於禽獸矣  
雖輓近之世女嫁男娶而為夫妻者方俗固有其禮  
唯其嫁娶不避骨肉之親是不善之大者也又令人  
娶妻必先求金寡者數十金多者數千金自士大夫  
達乎邦君不肯娶無金之女何況庶民乎於是

娶于非類者又有取色不簡非類者有以妾為妻者有以妓為妻者又有邦君卿大夫而貪聘財以棄其女於非類者又有為金納贅壻遂以非類為其嗣者又有惡昏禮之費財者乞女子於人以為己子然後以妻其子又有約昏未至期女家延壻令女與壻相見且同寢者又有為金教娶而數更其妻者又有為金而定昏於嬰孩者又有惡昏禮之煩費終身不娶者諸如此類不可勝計人倫之廢庶耻之亡謂之何哉故予暇日錄其事尤確實者以為亂婚傳此皆予所覩記大抵在邦君

諸侯若夫士庶人胡足道哉又胡足責哉

越前侯忠直 神祖之孫越前侯秀康之長子也

德廟第三女適焉亦 神祖之孫與忠直為從父兄

昆弟

越前侯光通秀康之孫越前侯忠昌之子也秀康之長子忠直嗣越前侯以無道廢弟忠昌立生子光通忠直之長子光長別封為越後侯與光通為從父昆弟光通娶光長之女皇從祖父妻其從姪也小功之親也

尾張侯光友 神祖之孫尾張敬公義直之長子

猷廟之從父昆弟也 猷廟之長女適焉 神祖之曾孫也是亦從祖父妻其從姪也

紀侯綱教 神祖之曾孫紀侯綱宣之孫紀侯

光負之長子 憲廟之從祖昆弟也 憲廟之

女適焉 神祖之玄孫也是族父妻其族姪也

總麻之親也

水戶成公宗堯 神祖之玄孫水戶威公賴廣之

曾孫讚英公賴重之孫惠公賴豐之長子也水

戶肅公綱條 神祖之曾孫水戶威公之孫讚

英公之長子也初英公與水戶義公光國兄弟

交易長子故肅公嗣水戶其世子吉子既娶生一

女而世子卒肅公乃取宗堯以為嗣其弟子也於

是以前孫故世子吉字之女妻之吉字之女威公

之玄孫於成公族姪也生宗翰而成公堯

高洲侯友淳尾張敬公義直之曾孫尾張侯光友

之孫尾張子侯友著之子也為高洲侯義孝之

後取女尾張侯吉通之女敬公之玄孫光友之曾孫

尾張侯綱誠之孫於友淳族姪也

長沼侯賴明水戶威公之曾孫長沼侯賴隆之孫長

沼侯賴如之子也娶水戶肅公之女亦威公之曾孫

讚英公之孫也其從祖姊妹小功之親也  
守山侯賴貞 神祖之曾孫水戶威公之孫守山  
侯賴元之子也其世子賴尚以心廢廢次子賴寬  
立為世子 神祖之玄孫也娶高洲侯義孝之女  
神祖之來孫尾張敬公之玄孫尾張侯光友之曾孫  
尾張侯綱誠之孫也賴寬與義孝族兄弟則其女  
乃無服之親也雖然屬為叔姪水戶世以儒術為  
國而骨肉相汚君子譏之  
出雲侯綱隆越前侯秀康之孫出雲侯直政之子  
也娶越前侯忠昌之女亦秀康之孫也其從父姊

妹也  
姬路侯直矩越前侯秀康之孫姬路侯直基之子也  
娶出雲侯直政之女亦秀康之孫也其從父姊妹也  
廣瀨侯近榮越前侯秀康之孫出雲侯直政次子  
也娶大野侯直良之女亦秀康之孫也其從父姊妹  
也  
廣瀨侯近時出雲侯直政之孫廣瀨侯近榮之子  
也娶出雲侯綱隆之女亦直政之孫也其從父姊  
妹也  
富山侯利貞加賀侯利常之曾孫富山侯利次之孫

富山侯正甫之子也娶大正侯利重之女亦利常  
之曾孫大正侯利明之孫也其從祖姊妹也  
肥後子侯利重肥後侯藤孝之玄孫肥後侯忠與  
之曾孫肥後侯忠利之孫肥後侯光利之次子也  
零矢田侯與隆之女亦藤孝之玄孫矢田侯與元  
之曾孫矢田侯與昌之孫也其族姊妹總麻之親  
也  
秋月侯長重筑前侯長政之孫秋月侯長與之子  
也娶筑前侯光之之女長政之曾孫筑前侯忠之  
之孫也是從祖父妻其從姪也

三原侯長治藝侯長政之孫紀侯長晟之子也娶  
赤穗侯長重之女亦長政之孫也其從父姊妹也  
赤穗侯長矩藝侯長政之玄孫赤穗侯長重之曾  
孫赤穗侯長直之孫赤穗侯長友之子也娶三原  
侯長治之女長政之曾孫紀侯長晟之孫也是族  
子妻族姑也總麻之親也  
鹿島侯直條肥前侯直茂之玄孫鹿島侯忠茂之  
曾孫鹿島侯正茂之孫鹿島侯直朝之子也娶蓮  
池侯直澄之女直茂之曾孫肥前侯勝茂之孫也  
是亦族子妻族姑也



懸河侯直朝彥根侯直政之玄孫子侯直勝之曾  
孫懸河侯直之之孫懸河侯直武之子也娶彥根  
侯直該之女亦直政之玄孫彥根侯直孝之曾孫  
次子直時之孫也其族姊妹也  
姬路侯致朝大龍侯忠勝之孫姬路侯忠政之子也  
娶姬路子侯忠朝之女亦忠勝之孫也其從父姊妹  
也  
古河侯忠良郡山侯忠勝之孫穴栗侯忠英之子也  
娶其伯父政利之女即其從父姊妹也  
松永侯教端小田原侯忠明之孫松永侯教寬之子

也娶其叔父教信之女即其從父姊妹也

西龜山侯忠昭明石侯忠國之孫西龜山侯忠晴  
之子也娶明石侯信之之女亦忠國之孫也其從  
父姊妹也

平戶子侯鄰平戶侯信之曾孫子侯昌之孫子侯  
厚之子也娶平戶侯篤信之女亦信之曾孫平  
戶侯棟之孫也從祖姊妹也

磐築侯直敬淀侯尚政之孫京甲尚庸之子也娶  
其叔父尚保之女其從父姊妹也  
足森侯寅定豐臣家定之曾孫足森侯利房之孫

足森侯利貞之子也娶日出侯俊長之女家定  
之玄孫日出侯延俊之曾孫日出侯俊治之孫  
也是族父娶其族姪也

備前子侯政晴備前烈公光政之曾孫備前侯綱政  
之孫公子軌隆之子為叔父子侯輝錄之嗣娶子侯  
政倚之女亦烈公之曾孫子侯政言之孫也其從祖  
姊妹也

津輕侯信政娶于增山氏下館侯正利之女也正利  
者武州細民卑賤之人也 猷廟時正利之父犯禁  
刑死其女入為官婢 猷庶以賜侍女春日俊得幸

而生 嚴廟立為夫人正利以夫人兄弟封為下館  
侯津輕侯因娶其女是婚於非類也  
長門子侯元知亦娶于增山氏下館侯正利之次女  
也亦婚於非類也

福山侯忠雅之妹適關宿侯成春成春者東都卑賤  
之人也其姑為關宿侯成貞之妻成貞無嗣 憲庶  
命以成春為嗣福山侯嫁妹焉是棄其妹於非類也  
忍侯正高嫁其叔父正房之女於高崎侯詮房之弟  
詮言詮房者優也姓間部氏 文庶寵之封為高崎  
侯無嗣以其弟詮言為嗣忍侯嫁其從妹焉是棄其

從妹於非類也然正高後為列相詮房之力也  
高槻侯直英娶于間部氏高崎侯詮房之弟子也是  
婚於非類也  
磐城侯義稠亦娶于間部氏高崎侯詮房之弟子也  
是婚於非類也太宰純曰高槻磐城二侯其皆不終  
乎二侯之先皆以武事神祖而為國初之功臣  
並受茅土之封而藩屏王家後世子孫奉其遺體  
而傳其血脉者也誠宜擇同類之善者以配已身古  
人婚嫁必卜所以受命於祖宗也今二侯尚就一時  
之勢取配於非類祖宗豈聽其所為哉祖宗之所不

聽而為之是自絕於其祖也不以何為其後二侯皆  
薨無子

穴栗侯忠方娶于增山氏長島侯正任之女也正任  
故下館侯正利之子徙封長島穴栗侯娶其女猶婚  
於非類也

壬生侯忠利娶于本莊氏濱侯資俊之女也資俊  
之父宗資平安細民也 猷廟時宗資之姊自侍  
女春日之婢得幸而生 憲廟即位宗資以元舅  
封為笠間侯宗資卒資俊嗣徙封濱松壬生侯娶  
其女婚於非類也





